

## MEILYR BRYDYDD (fl. c. 1100-37), pencerdd llys

**Enw:** Meilyr Brydydd  
**Plentyn:** Gwalchmai ap Meilyr  
**Rhyw:** Gwryw  
**Galwedigaeth:** pencerdd llys  
**Maes gweithgaredd:** Barddoniaeth  
**Awdur:** David Myrddin Lloyd

[Gruffudd ap Cynan](#) yn Aberffraw. Ystyrir ef y cyntaf o'r Gogynfeirdd. Yn ei hanes ef a'i fab [Gwalchmai](#) a'i yrion y ceir yr enghraifft debycaf yng Nghymru i'r hyn y gwyddom gymaint mwy amdano yn Iwerddon, sef teulu yn etifeddu'r swydd o bencerdd llys i linach arbennig o dywysogion, a chan y beirdd hyn eu treftadaeth dirol oblegid eu swydd farddol. Ceir Trefeilyr a Threwalchmai ym Môn hyd heddiw. Dangosodd [Syr J. Morris-Jones](#) fod anhawster amseryddol ar ffordd derbyn awduriaeth Meilyr Brydydd ar yr awdl-gywydd marwnad i [Drahaearn fab Caradog](#) a [Meilyr fab Rhiwallon](#) a laddwyd ym Mynydd Carn (1081). Nid oes ddim arall ar gael o'i waith ond marwnad [Gruffudd ap Cynan](#) (1137), a marwysgafn y bardd ei hun. Yn y gyntaf fe geir, fel y gwelodd [Syr J. E. Lloyd](#), y mynegiant cyntaf sydd ar gael mewn barddoniaeth Cymraeg o'r adfywiad Cymreig a gydredai â chynnydd tywysogion Gwynedd yn y 12fed ganrif. Yn y farwysgafn dymuna Meilyr gael ei gladdu yn Enlli. Nid yw'n debyg iddo oroesi ei brif noddwr yn hir, ac yr oedd [Gwalchmai](#), ei fab, eisoes yn ddigon hen i dderbyn rhoddion tywysogion Gwynedd cyn 1132 (gweler Hendreg. MS. 13a).

### Awdur

David Myrddin Lloyd, (1909 - 1981)

### Ffynonellau

Barddoniaeth yn *Llawysgrif Hendregadredd* (1933)

*The Myvyrian archaology of Wales* (Denbigh 1870), 140-2

J. Morris-Jones, *Cerdd Dafod sef celfyddyd barddoniaeth Gymraeg* (Rhydychen 1925), xxiv

J. E. Lloyd, *A History of Wales from the Earliest Times to the Edwardian Conquest* (London 1911), Cyf. I

J. E. Lloyd, *A History of Wales from the Earliest Times to the Edwardian Conquest* (London 1911), Cyf. II

J. Lloyd-Jones, *The Court Poets of the Welsh Princes*

### Darllen Pellach

Erthygl Wicipedia: [Meilyr Brydydd](#)

### Dolenni Ychwanegol

Wikidata: [Q2670636](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

